



憺園文集卷第八

詩 碧山集

贈張素存學士扈蹕盛京祭告



耆定登歌日明禋肇祀辰謁 陵瞻鉅典扈蹕藉儒
臣禁籞傳中詔璇璣指仲春花紅籠御道柳綠拂
通津萬國梯航集千年禮樂陳公孤同左右珪幣
總紛綸疊嶂雲舒綺三江月漾銀玉衣靈鬃駉鐵
馬氣嶙峋尚想揮戈地翻思籌筆晨昇平勞贊翼
櫛沐紀艱辛不共遊汾比還將讌鎬倫歸來香醖
醪猶帶屬車塵

同年孫岷瞻學士扈蹕

聖主思豐沛陪遊得子荆彩毫推右史玉輅正東
行旣愜登臨興彌深眷注情龍鱗依日馭豹尾
擁霓旌書笏千山蹕凝笳四校營江雲沮水路關
月樂浪程晝永還飄雪春深未聽鶯騎來天廐馬
賜得禁廚羹列幕冰爲壘行邊柳作城弁韓書土
俗瀚海識才名盛治通無外陳詩誦有聲大風歌
可作應與侍臣賡

贈高澹人侍講扈蹕

才子趨丹禁承恩歷歲年曾隨雲輅出再奉日車

旋遼海看緜曠橋陵拜吉蠲

聖情歡宴鎬廟略

重巡邊石砮徵時古牛魚入饌鮮三韓風尚朴百
濟地形便下馬時揮翰行圍亦佩韃白山明霽雪
黑水積寒煙欲續虞衡志將搜宛委編層霄天
語切行殿主恩偏還軫逢朱夏懷人寫碧箋榴
花午日讌景物正清妍

贈成容若扈蹕

東土開基地陪京拜鼎年時巡諏吉日扈從選名
賢錯采顏延句雄風宋玉篇相門推俊傑中禁領
貂蟬羽獵隨仙蹕鏡歌奉御筵丹城披粉繪白嶺

三百七
懷國集卷八
齊卿
曳雲煙指顧登臨迴追懷戰伐偏飛龍翔朔漠鳴
鳳集山顛去日桃林合來時樞火然定知長樂宴
更欲奏甘泉

走筆與容若

九首

黃竹迴鑿扈從雄甘泉賜宴獨論功誰人頻得天
顏喜應手飛鳶落画弓

翠羽離筵綴寶璫雕鞍玉勒總生光武皇校獵長
楊苑豹尾前頭第一行

珠虎崢嶸闕闕高西京相業冠蕭曹笑他子弟無
才思輸與君家紫鳳毛

延壽宮前景福門奉車都尉最承恩遙看一簇紅
雲裏授轡從容翊至尊

天閑上駟揀猶難杏葉桃花錦作團黃帕蓋將明
月鞍圍官先與侍中看

木葉山邊陪輦日松花江岸網魚時平沙落照迴
金勒頃刻吟成絕妙辭

濟陰吳質通諸史廣戚姜肱擅五經傑直歸來投
紙閣棊聲隱隱戶常扃

嫩柳晴窓颺午風當時辛苦事雕蟲那因今日貂
蟬貴悔著麻衣待至公

二百六
鳴珂里第會朱輪清徹芙蓉迴絕塵慚媿十年東
嚮坐相逢不是埽門人

送容若赴梭龍

丁零踰鹿塞敕勒過龍沙絕漠三秋暮窮陰萬里
賒行邊催羽騎乘鄣咽霜笳地軸圖經外車書總
一家

御試首春懋勤殿應制

璇宮肅穆地陬月載陽天淑氣舒 深林晴光映
曲旃傳柑過令節祈穀正韶年金榜星辰幕瑤函
海嶽編 龍旗迴上苑 鳳蓋返甘泉靄靄春雲

結遲遲晝漏傳圖書探苑羽造化合璣璇體道

淵懷密崇儒 寵遇偏那居方在鎬築館共遊燕

賜饌天廚美頒題 御墨鮮何當逢發育共此

荷陶甄燕雀殊多幸長依 紫籞邊

御試孟春扈從祈穀壇應制

鑾輿曉出鳳城邊 聖主勤民爲祝年蒼輅初陽

方布令瑤壇瑞氣早占天風和宛宛聞仙吹日麗

遙遙敞 御筵執簡小臣隨豹尾欣逢盛事賦甘

泉

題畫 三首

擬並瑤林玉樹看生綃拂拭粉光寒笑他揚白隨
風絮吹向枝頭復作團

細蕊攢成碎錦坊霜花斗大壓枝香五王漫鬪深
宮戲花下平開蹴鞠場

何處藤陰一徑橫王家步障紫絲輕分明寫出珠
簾外垂袖昭容結隊行

贈侯大年 二首

國士門風在天然見鳳毛雲霄姿獨上湖海氣元
豪袖拂天門月杯吞雲夢濤京都吾欲賦見爾罷
抽毫

鄉縣知名早相逢在遠遊身依黃葉寺氣盡黑貂
裘松柏平陵涕霜煙隔谷愁含情兩無限蕭颯薊
門秋

八月十一日澹人招同西溟方虎飲花下賦 二首

同作市朝隱思君不可支重闔應有限良會每難
追何幸逢佳序相將對舉卮恍疑蓬島上仙侶共
餐芝

把臂皆吾黨高談興轉賒好乘西苑月細看小山
花 盆中桂花一樹盛甚 葉翠添清影香濃壓冷葩更闌燒樺燭

忘却在天涯

贈周雪客之任山西藩幕

周郎下筆驚鸚鵡才子家聲重一時白馬出爲薇
省幕紅爐誰共鳳臺巵秋晴恒嶺穿天脊月朗汾
河拜晉祠涿水芙蓉多宴暇好乘岸幘寄新詩

送喬石林使粵西

二首

芙蓉闕下五雲翔采鳳銜書出建章日下共傳才
子譽天邊遙指日南鄉郡開百粵連交趾水入三
江即夜郎從此星輶馳驛去文星灼灼照炎荒
十載征南衅甲時太平爭識侍臣姿好持白玉堂

中筆去賦紅藤花下詩遠地山川勞夢寐同朝朋
舊惜分離珊瑚萬顆香千樹鐵網看收第一枝

詠史示說巖

二首

世態戀祿利物情易喧涼田蚡肺腑戚甲第鬱相
望驕氣凌魏其詔辨東朝堂盈庭但碌碌誰敢嬰
禍芒首鼠持兩端依違鮮木彊昂藏汲都尉挺論
何不臧諒哉此一時毒螫豈可當武安危赤族追
往徒慨慷

太行何巉巖孟門突然起青松表歲寒事迫見君
子吁嗟夸毘徒隨波汨靡靡我愛張燕公千年照

三百二
青史詭承卒正對焉忍質天理雖蒙諸賢助直道
終流美論事厭刻深蓬麻匪興比展卷懷古情異
代猶色喜

喜張敦復學士至

三首

傳聞發軔日大火乍西流積雨浮江岸輕裝滯驛
樓酒思庾亮月客寄賀循舟菊醞萸囊畔相看已
暮秋

昨歲虞巡地江干候六龍殷勤天語接優渥主
恩重聞許寬程限仍憐對病容賜廬無恙在將作
治垣墉

風度張丞相天然標格殊小心居省闈逸興託江
湖曾獻千秋鏡長賡九德謨龍眠山縱好莫憶四
軒圖

七夕歌

黑雲隊隊沈銀河靈鵲恍欲凌風波天上雙星奈
若何霖潦積日繁暑過明朝一葉秋氣多漸聽城
頭吹碧螺四序更換如織梭悲來無端遣則那人
間聚散傷綺羅當場鸚鵡舞婆娑安能長與朱顏
酡青冥高舉隨鳩鷺潛然如雨發浩歌愜我幽意
歸巖阿

雨壇即事示王省齋郎中

乍向星壇禮竹宮初宵仙樂醮筵中傳來 丹詔
勞黃屋揆得青詞徹紫穹脫粟頻煩京尹餉清齋
幸與省郎同濯枝滂沛 天顏喜輦轂懽呼祝歲
豐

祈雨畢奏事 西苑疊韻上會清存菴兩

先生

齋壇歸到紫薇東雜沓華茵禁苑中倚樹群公曲
澗度傳籌羽衛閤門通青蒲密奏閤閣喜赤縣喧
稱造化功黍遇受釐何寸補所期道泰在和衷

疊韻上尚書會清先生

啓事凌晨水殿東連朝騎馬淖波中龍雲原是春
官職魚水何期 帝座通桂館周遭聯御氣靈湫
感涕仰神功宗臣十載清如水此日乾乾共寸衷
疊韻奉東存菴先生

禁門零雨黯西東粉署同曹想望中先生 偶恙 蘊藉共傾

嚴僕射禮儀休論叔孫通銜杯永日應排悶畫諾
終朝足計功忽枉華箋騰逸唱風流前輩挹深衷

再示王郎中

星官雲客碧霄宮咫尺虛無點綴中不信土龍真

出地果然石燕忽摩穹軟塵已見東華盡甘澍還
期萬國同慚愧豎儒逢 聖世說經何敢附熙豐

奉 命祈雨到壇作

御恩初到鳳城東霖霖旋飛紫陌中 聖主憂民
三輔急祠宮薦玉九霄通深慚繁露徵經術共仰
靈星祝歲功佇見濃雲垂四野滂沱應得慰 宸
衷

祈雨即事 十首

璇宮齋殿進園蔬雩祭夏農四月初 中旨宣傳
京兆府蚤祈靈雨付郊廡

伐鼓鳴鐘憶去年醮壇重設鳳城偏笙璫晚奏迎
神曲愁極昏昏土銜眠

絳闕青詞蚪蚪封道人足踏金芙蓉楊枝灑水銅
街下只待瑤空降白龍

輦路虹橋繞玉珂隔牆御宿晚煙多幾時膏澤從
天降願灑昆明太液波

當年北狩事蒼黃白馬金鞭護毅皇說與祠官脩

歲祀殘碑落日倚頽牆

白馬關廟明英宗北狩時顯應有碑記

風狂連日袷衣寒雲氣輪困躡履看齋閣不知人
世事繁花落盡已春殘

故人循吏到京都我馬虺隤我僕癯輦轂猶云土地主可憐塵甑范萊蕪同年宛平陳令

邸舍金張傍玉宸敬容殘客底須嘆埽門魏勃今安在曾否當時此駐輪

董相耽書涉世疎頻教國吏試桐魚莫言經術無徵驗齟齬何妨呂步舒

洞霄勝蹟是龍潭別詔傳期後甲三神將六丁應聽命碧幢絳節會城南

祈雨白馬關廟二首

幾回圭玉告虔過炎景隆隆奈若何彤轂日翻燒

廣野赤珠雲散壓高柯 聖人有道終須格臣職無功媿已多安得泰山膚寸起滂沱滿眼水層波
葵間松下敢遲遲圭幣嚴恭走秘祠病劇連朝違畫省憂深中夜奏青詞乾封久識詼諧誕喫酒虛憐技術竒不比太常嘲已慣醮房齋坐總相宜
和許虞廷祠部作

簪筆方離五柞宮雲壇禱事與君同總因赤子勞黃屋重撰青詞告紫穹舞鶴婆娑三市見仙璫斷續九霄通輪囷乍喜雲方密撲眼塵飛鎮日風

祈晴

三百卅
神州始憂旱，伏日成驕陽。當宁念部屋，祠廟徧
禱禳。禮官拜，綸綽潔心奉。珪璋霖澍忽以降，
聖心方悅康。何圖兼旬內，浩波溢金塘。九重虞
沈潦，復爾咨巖廊。方秋穡事亟，畚獲毋乃妨。再命
宣秩宗，告虔于昊蒼。匝月兩承，百肅事齋壇旁。
發 詔驟開霽，翕赭明朱光。倏焉重雲結，小臣增
倉黃。旱潦代所有，聖主邁堯湯。肸蠭通沖穆，稷
厲爲嘉祥。先天天弗違，響答真無方。具官將 明
命，惕若恐不臧。僚長並先達，藹藹羅總章。一心秉
嚴恪，庶以慰我 皇。

送吳青壇侍御

嶽嶽名高柱史中，挂冠此日柏臺空。梧桐未許容
棲鳳，輦轂仍聞說避驄。客興消磨竹葉酒，春流安
穩布帆風。還家贏得慈顏喜，花藥欄前爛熳紅。
御試閱農

龍見當雩節，勤民軫 睿衷。經時欣得雨，浹月苦
多風。夕暈瞻箕畢，晨暉仰蠨螋。桂旂移翠殿，雉羽
啓璇宮。赤縣紆黃屋，金根駐碧叢。五鳩迎道左，千
耦向城東。牲玉羣神徧，痾瘵一息通。自 天申命
渥，率土拜恩同。補報慚臣職，焦勞獨 聖躬。精誠

三百廿三
少園集卷八
孚造化呼吸走豐隆會見靈星應咸沾 帝澤融
堯尊松棟下酺宴逮群工

寄懷扈蹕諸公

淮濱有昏墊求莫紆 皇情方春順陽氣萬乘東
南行屬車承顧問賴諸華國英給札志風土抽毫
寫昇平江南際韶景臯隰靡蕪生龍鱗微漾波雜
花飛新鶯魚藻洽 宸歡卷阿揚清聲迴憶同朝
寧聯步趨彤庭關山忽已遙懷人寄芳蘅星裝佇
言歸華翰迓城闈停觴發麗製錦笥傾瑤瓊

題同年孫圮瞻小像

二首

今上臨軒庚戌春吳興雙珠躍龍津就中龍腹尤
輪囷結束丹彩成竒鱗發揮光怪千青旻文章經
國羅紛綸蕊榜日下睂目真銅街初出鹵簿陳五
花噴沫駿騏驎觀者如堵闐城闔繁花罨藹玉河
濱賢王遇之停車輪京尹堂上酒數巡大官綺饌
瓊筵新笙簫嘈雜娛國賓黍竊附尾隨末塵荀香
衛玉連芳茵如子衰晚那足論挺生名世昆 至
尊昌言諤諤颺楓宸五雲多處領搢紳往歲 中
旨許省親斑斕袷服照四鄰重來簪盃丁佳辰禁
林別館會故人星迴一紀歲在辛貞元憶昔情諄

謀啓樹拂綃一笑親碧鸞赤鳳誇風神竚看鹽梅
調八珍瀛洲圖畫誠絕倫

好文 天子當昌期嚴樂枚馬生同時餘不仙人

玉作姿朝朝珥筆趨彤墀 至尊便殿縹緗隨綈

几清宴銅雀宜曈曨日色映罽毼侍中環立冠鷄

鷄宣傳詞臣入賦詩側理膩滑鳳味竒含毫吮墨

緯湛思煙雲噓吸蟠蛟螭 天語嘉賞絕妙辭寸

晷淹敏出匪遲誰歟彷彿佳畫師拂拭紈綃重嗟

咨是日子亦油素齋至今想像猶能追添寫龍鐘

足忸怩何當攀附瓊樹枝居然秘殿承恩私歲月

躑躅徒爾為似君才調復阿誰

倣宋人端五閣門帖子 十首

扶桑曉日照曈曨麗景門邊喜氣同長日堯階繇

寶曆萱舒五葉記天中

十風五雨賀年豐一穗雙岐麥秀中解慍阜財符

舜樂揮絃聲出未央宮

千古人倫竹簡中珠囊金鑑愜 宸衷妍媸萬品

毫鋸見足比江心百鍊銅

行宮隱隱御爐香瑞靄龍葱化日長菰葉輕縈九

子糞菖華長泛萬年觴

太平有象慶升恒雲漢昭回文德興絲縷千絲分
五色臂纏休號避兵繒

水嬉競渡擢船歌漢苑唐宮行樂多不用繁華尋
故事聖君勤政得人和

梟羹五日佐盤餐漢代宣傳領大官自是今時無
惡鳥好音宛轉上林端

招涼亭際物華新西苑瀛臺侍近臣慚媿承恩
無補報葵心只向日邊親

階下閒翻九節草宮中不設五時花冰壺銅鶴山
池靜諫諍何勞孫伏伽

歲時紀事漫相緣 內殿如今異昔年艾虎挑人

渾屏却不須丹鼎問金仙

詠史 二首

典午邁中屯姦雄志叵測太真效忠款經綸在王
室丹陽既重鎮機會爭失得謬結錢鳳歡引譽劇
雕飾小人難作緣無乃信螽賊使酒豈清狂顛倒
用深識讒言不能中脫身走京國

却惜晉忠臣生兒秉英異卓犖負朝望精誥參正
始輔桓作腹心畫諾主秘計飄然帷帳開好風寧
有意安石弘雅度諧謔殊可喜當其勢熱時熏灼

真無比王謝不得前食旰良疲矣沒後一編書終
收慈父淚

大行太皇太后輓詞 六首

驚輅丹旒結龍輶縞駟齊愁雲扶海旭淚雨合春
泥萬樹槐風裏千門柳翠西傾宮車輦出隱隱鳳
城隄

祖奠辭宮闕從官立堵牆 天顏渝睟穆 玉趾
踐冰霜御路杯初酌銅街淚萬行孝思宜備記勉
矣起居郎

金輿來洽渭寶歷定岐豐地表曾沙慶天資鍊石
功絲綸三殿發哀慕萬方同乍覩春暉麗寥寥
長信宮

共儉先臣庶全勝馬鄧名痾瘵勞夙夜燕翼起昇
平縞素紛同軌風雲馭太清兩朝尊養備猶未慰
皇情

寶鏡塵雕几珠襦黯總帷一辭天下養長憶萬年
悲素柰簪成撤朱櫻薦及期他時採甘露應向寢
園枝

黃屋猶廬次重華孺慕同青蒲陳自切素帟痛無
窮空復勞愚慮無緣慰 聖衷徒慙李百藥獻誄

太安宮

西洋鏡箱 六首

移將仙鏡入玻璃萬壘雲山一筇攜共說靈蹤探
未得武陵煙靄正迷離

橫簫本是出璿璣一隙斜窺貫虱微髣髴洞天微
有徑翠屏雲綻啓雙扉

交光上下兩青銅丹碧微茫望若空遮莫海樓雲
際結珊瑚枝上現蛟宮

玉軸雙旋動綺紋斷紅霏翠轉氤氳分明香草衡
湘路百折帆迴九面雲

隙駒中有大羅天光影交時態倍妍鶴正梳翎松
奮鬣美人翹袖忽褊襪

乾坤萬古一冰壺水影天光總畫圖今夜休疑雙
鏡裏從來春色在虛無

立秋後一日高學士夢中得伏雨炎風正
夏闌之句醒後足成之明日以告予口

占奉和 九首

伏雨炎風正夏闌華胥得句亦琅玕風流軼代追
開寶聽罷陽春欲和難

伏雨炎風正夏闌奔濤忽復漲桑乾晨趨不惜鄣

泥濕決漉連朝太液看

伏雨炎風正夏闌纔驅旱魃罷祠官新秋又作愁
霖賦梧葉枝枝落井榦

伏雨炎風正夏闌端居煩鬱不知寒三更銀漢天
邊杳盼絕團團白玉盤

伏雨炎風正夏闌廣庭濯濯翠明玕和歌錦字盈
懷袖錯落珊瑚間木難

伏雨炎風正夏闌六街泥滑未曾乾駮姿扶荔叢
芳樹此日晴光洗眼看

伏雨炎風正夏闌紺壇清醮列仙官伸眉罷倚黃
門曲縹緲高樓拂井榦

伏雨炎風正夏闌相逢高論罷暄寒車公入坐能
無樂豈羨當筵舞七盤

伏雨炎風正夏闌禁扉出入導中官罽毼宛宛微
颺起別苑蟬聲報薄寒

送同官嚴存菴假還

十年持橐傍皇闈慣聽高談玉塵揮決歲同曹還
接席三秋惜別欲沾衣夢縈丙舍情方切興憶滄
洲願不違好貯窪尊千斛酒異時浩飲客將歸

題江邨圖卷

三十九
曉月幕輕煙暗連西苑白昨夜夢故山夢醒故山
失命客圖煙霞結舍當峰隙圓邨聚白沙寒雲戰
蕭槭幽芳襲人意杳渺如可適若非宋玉居應是
丘遲宅安得散髮吟此中挂片席

題授經圖爲孫封公作

夏侯尚書出盛漢經術早重公卿間天人偉議動
殿陛益令朝野欽儒冠宣帝沖齡稱睿聖母后東
宮勤省政宮中亦御講經筵耆臣執卷趨長信長
信春風絳帳開掖庭鉤盾傳宣來鳩形玉杖當軒
賜宮錦袞衣稱體裁伏生舊業東平出遐齡長德

均相匹還將榮祿勉生徒青紫須從稽古覓菱溪
學士祝椿年繪以生綃侑組筵稱觴自有金閨茂
起舞不羨瑤池仙瑤池漫說饒芝草爭擬高蹤齊
綺皓芒屨真同躡羽輕童顏更比餐霞好學士聲
名振八區況看珠樹多鸚鵡應知玉笥金箱祕便
是豳風無逸圖

闈中即事呈太傅宛平公成少司馬鄭副

憲暨分校諸君

二首

鳴騶此日鎖闈開十六年前騎馬來文運正欣逢
泰盛君恩豈易荅涓埃兩行樺燭看傳鑰一縷

新蟾照舉杯懷輒幸陪丞相席聯裾真讓列卿才
春風寂寂敞虛堂禁院連翩玉筍行授簡風流存
著作埋輪中外仰封章感恩報國寧無意識曲搜
竒定有方落盡繁花都不管迢迢清夜靜焚香

贈彥通姪

送爾揚舲去春風解凍初杯銜易水釀網舉潞河
魚門有數傳闕家存千軸書歸歟尋舊隱樂甚帶
經鋤

奉邀太常說巖先生虎坊橋南別墅宴集

同姜朱二翰林

半歲苦淹病病起乍行藥眷焉思所欽蹤跡久寥
廓市南虎圈坊幽居帶林薄雅堪延野色憑眺有
菌閣相期屏塵事竟日共盤礴巾車方及門高駕
俄趾錯青絲挈春釀促坐成小酌極望郊壇樹微
風韻遙鐸驚沙白皚皚流靄青漠漠人生俯仰間
適志原無著伊予纏宿痾盤辟類執紼縛翼大不能
運如彼雕陵鵲託契惟沈冥縈懷但丘壑稷卨佐
昌時巢許忻有託已能齊鵬鷃詎復岐龍蠖粲粲
濩澤公開濟負偉略枯枝廢雕鏤不材終瓠落潛
見理則殊奚煩更咨度何爲王僧孺只解京華樂

三百五十四
慎園集卷八
吳歆讓邊筑尊羹比羊酪二君聽我言盃落大盃
噱幸得張東門無爲詠場藿

說巖先生招同竹垞西溟黑窑廠最高處

讌集賦謝

京師百萬戶棟宇龍鱗稠旒人職埏埴聚族城南
陬瓴甌多廢材委棄成山丘雖無林麓勝軒轡紛
相求芳辰荷嘉招再作春郊遊寒飈起中路樹木
聲颼颼解我輕袷衣更御豐狐裘崇阜一何峻登
之望皇州雙闕連珠甍金碧如雲浮張幄以禦風
重檀覆青油芳茵藉促坐曲几羅庶羞聯吟寫奇

懷藻思紛糝流造語務險澀象外窮冥搜春暉日
以妍能令宿疾瘳香陌蘭始芽垂楊絲欲柔繫我
長生瓢飭我黃犢鞞無令盃簪會翻成溝水頭

張南邨先生爲敦復仲兄讀其書賦此遙

贈

一卧清江醉碧筒機心閒對海鷗空蚤從藝圃稱
詩史肯向林泉學釣翁山寺晚歸松桂月水塘秋
泛芰荷風蠅頭賸有巾箱祕書盡溪邊柿葉紅

送盃端士

二首

送別銜盃五月天火雲如蓋玉河邊行裝累積三

千卷薄宦窮憐二十年白髮相看成老大紅塵那
 及住林泉禁廬筆削縑緗在把卷低徊覺汝賢
 百花溪水傍城闌斗酒聽鸚與轉新邾國千秋追
 舊德薊門三伏送歸人愛探佳景攜遊屐會見恩
 波入釣綸遠夢隨君林壑去一時花月屬閒身

敦復先生餉棗賦謝

禁林纂纂繁嫩涼天蘋果葡萄萄翠影連螭熟只依廻
 輦路低垂亦傍著書筵侍郎飽食遙分餉穉子嘗
 新喜剝鮮只此赤心誰得比莫誇如瓠說神仙

行路難四首

君不見太行山羊腸詰曲車斑斑又不見邛徠道
 青絲金絡時時到山川雖險猶未危人心倏忽波
 喧豕須臾不戒蹈機辟履齒乍折我冠摧我乘渺
 莽遊寥廓青霄碧崖恣揮綽七盤飛棧寧嶮巖千
 仞懸流任噴薄不用悲歌行路難但須斗酒相爲
 歡北窓夢醒見涼月始信焦明天地寬
 南海之珍薦芳實搖艷青樓羅瑟瑟移黃改翠春
 風前美人愁思應相憐委身玉盤何蕊蕊幕以疏
 巾襲文綺水甌的的霜膚涼翠釜團團露光紫空
 聞乘傳進離支一騎迢迢萬里馳但恐開箱顏色

變分明不似嶺頭時

西羌兩川水白玉綠玉河清沙淼淼鬱珍產金膏
水碧何其多咨爾于闐采花人空採落花愁暮春
不如采玉獻天子能令雙闕光輪困乍離秦關登
漢館道傍觀者輪蹄滿漢玉裁作茂陵箱秦玉刻
作昭華瑄昭華錦席燦雕筵妙舞清歌樂盛年茂
陵迢迢隔銀海寂莫千秋閱光彩物理升沈何足
論二川長遶涼州塞

贈君奔星躡雲之快馬哀雁霹靂之清琴七采芙蓉之寶帳九華葡萄之錦衾芳時曲讌且爲樂安
用刺促增愁心年光在舟速極馬電昨日盛鬢繁霜
侵方欣朱華出東海又見側景頽西林玉堂緜嶺
竟陳迹千載誰聞鸞鳳音

朱碧山槎杯歌爲江邨學士賦

學士筵中銀鑿落元代名工朱氏作腹字猶題至
正年手澤摩沙恍如昨初開錦篋憐璀璨錯映燭生
光照簾箔口哆渾疑鸚鵡螺尾翹亦似鷓鴣杓斷
榴中窾自能浮刻木因之始作舟釵鏤竒思出意
匠霜皮慘裂窮雕鏤中間危坐博望侯金鹽玉豉
置兩頭鬢影乍搖青海月酒鱗爭湧白河流當時

遠使條支野首菹葡萄移塞下豈有靈蹤犯斗牛
惟聞異產來天馬一入齊諧志怪篇成都錦石至
今傳斐几明窓聊把玩坐令兩腋風翛然我方微
醉斜景促正值涼蟾掛河曲勝友迢迢隔禁垣
井梧撼撼敲庭綠何日相攜揚子津片帆遙向江
南春登艫長嘯盡一斗酣歌共對槎中人

題楊忠愍公書画卷

二首

祖德千秋志斷金傳家遺墨擬南琛應同琬琰昭
臣鑑豈但風霜重諫林染素尚森迴日幹開絨還
炯伏蒲心誰知大鳥飛鳴後更有文光繼華陰

章皇曾下褒忠詔曠典遙霑異代臣從此馨香輝
鼎俎至今巖谷鎖松筠殘編幸復傳緝匣斷碣無
勞弔碧燐今日聊因薊子訓灞橋南畔識銅人

題禹生畫水苗三頃圖送檢討電發姪歸

吳江

三吳宛在連淪漪松陵水雲尤離奇偉長詞藻況
傑出家居西廓人欽崎玉堂幾載不得意拂衣歸
去無然疑何人寫生擅靈絕漠漠零素開樊陂水
苗三頃桑株百水苗三頃百株
桑杜樊川句阿咸詩句偏相宜魚莊
蟹舍總隣近釀秫載酒身常隨青門屐卷令人妬

三百廿九
惺園集卷八
塵冠不挂將奚爲少游下澤車堪借子孟德精舍書
須持昇平四海一無事梁甫吟成直是癡

惺園文集卷第八

惺園文集卷第九

詩 碧山集

聖駕南巡詩

十首有序

皇帝撫辰凝績於今二十有八年三靈協應五行
順序維此萬方百姓常軫

聖衷蚤作夜思勤求上理乃者河淮濬治未告底
績在廷臣工並請

至尊臨視加以東南吳會閭閻噎財賦奧區屢
煩宸念省方之典於是乎舉攝提
指陬蒼龍首駕預頒詔旨申誠百司精

騎輕舟刻期往返減儀衛罷儲侍免田
 租課吏職勞戍役興學校禁末作勤農
 功寬關吏之征釋青災之獄勤恤民隱
 細大不遺是以 車駕所過通都大邑
 之交山涯水滙之僻其扶老攜幼而迎
 送者以千萬計自三五以來觀民設教
 行慶施惠未有若斯之盛者也時則窮
 禹跡而念平成溯淮沂而思俾父烝徒
 載楫 鸞輅斯旋觀黃淮之消長識河
 漕之表裏 睿慮經營一朝而決洋洋

乎洵不世之訏謨無前之偉烈矣 臣出
 入承明職司著作際 神聖之朝沐太
 平之化戴恩感遇述事抒情恭賦五言
 十章美 盛德之形容紀 成功於簡
 冊竊附古大夫列士獻詩之義詩曰

皇帝總六合釀化流無垠二十有八年勤思在烝
 民聲教四海洽景曜中天陳猶慮寰宇門謠俗儻
 未醇水土失安宅嘉種鬱不申爰稽時巡典臨軒
 召統均農父及圻父暨茲都水臣 鸞輿將南邁
 施澤當陽春與風行地上屬車無停輪宿春預儲

侍行庖却奇珍莫遣市離肆寧令農輟耘 王度
式金玉 王言如絲綸昭回一以煥萬國彌尊親

則壤自禹甸總秸輸萬方馨香奉 郊廟京坻峙
神倉 聖皇憫農作三時犯炎霜疾耕供惟正遺

稌豈蓋藏沛澤時旁流 軫恤逮窮鄉蠲租無虛
歲策府垂芬芳孟春參旗中 龍旄啓青陽輕鑣

過樂源 駐蹕農圃場 天語溢春溫垂詢及蠶

桑從容諭父老無出明年糧稽首呼萬歲揚聲薄
穹蒼眷茲大小東淑氣迴勾芒杼軸無復歎珮璲

盈筐筐

揚越號輕心鮮裝競馳逐飯稻而羹魚斗儲無餘
蓄僭竊更來居無藝供腹剝沿流三百載舊章靡

由復徵賦甲天下民生得無蹙逋緜累億萬徒勞
事捶扑長吏拙催科報罷如轉轂 仁皇憫其然

溫吹煦寒谷久近悉弘貸一旦空案牘下戶慶更
生笑語捧饘粥更求宋氏籍誰為妄盈縮什一訪

前規均平追禹服殊恩行度外含氣蒙字育曠然
樂更始咸與登醇樸侍臣稱萬壽保極斂五福

蜺旌飄江雲龍舸弭震澤鮮雲垂芝蓋五采籠朝
日 皇衷澹容與乾行自無息春燈芙蓉水曉霧

凝罕畢行行抵吳門引領西陵驛居人覩翠華羅
 拜擁金策願挽汾陽駕一駐寒香窟許為信宿留
 勞撫同嬰赤緬彼夏禹陵歸焉稽山側平成奏鴻
 烈千載垂軌迹涉江一瞻拜所在止 警蹕介珪導
 誠懔盼嚮通咫尺

季札勾吳彥言偃文學科後賢踵厥武比屋誦讀
 多塗山啓玉帛赤社爰承家濟濟越妙士藻思蒸
 雲霞宏羅歲歲施徵求遍幽霞蘊采猶潛淵貞蕤
 尚韜華 昌朝重髦譽顧此心孔嘉廣收東南美
 竹箭及丹砂飛翔就皇路班班連大車

勤哉荷戈士遠戍江海垂本是羽林兒采薇歌出
 師八荒既蕩定四海偃戎旗腹心寄于城爪牙職
 莫違秣陵稱重鎮諸越號御兒雄要自古然桓桓
 耀國威 鳴鑾方順動負羽夾道馳雷鼓警宵衛
 霜仗迎晨暉勤勞荷帝眷 溫諭下所司杓柄有
 挹注文武互張弛天下已治安儆戒不忘危濺澤
 既以弘共慶昇平時歡聲騰挾纊再見東山詩
 結髮行事君詔祿荷君惠論官服一命受此民社
 寄夙興治簿書難燭督并稅章程小愆違鑄責應
 手至 聖皇體群臣見鉅不遺細矧茲勤省方乃

忘負弩吏治道按郵籤望塵還擁篲趨步亦孔勞
 敬慎懷悚悸鑒觀燭幽隱亦令得霑賜任職予一
 階不稱弘貸貫赤紱爭自勸報塞媿無地庶效古
 廉平蒼生普蒙利

蒼生 帝所念吳越重征輸酌損以益下亦既蠲
 其租鑿輅鏘鏘來八神警前驅鹵簿曠不設扈從
 皆撤除群生得瞻仰老穉歡相扶 至尊霽溫顏
 止輦問所須瀕河見挽卒長絳亘泥塗何以卹其
 勞長吏哺用舖因念岸獄中幽夜獨向隅弘以泣
 罪仁釋之令改圖嚴飭吏受賕斷獄無偏頗錐刀

爭既息卧覺咸睚眦服賈牽車牛貿遷通有無輸
 權誦關吏往往滯津塗嗣今速省遣四海皆康衢
 皇仁溥六合羣品共沾濡太廓九州外小不遺一
 夫一夫無不獲 皇心庶其愉

黃河徙而南其來亦云久齧桑移漢代六塔旋為
 藪今茲合長淮悍勢競東走地道有變流盈虧互
 翕受節宣貴以時潤下疇居首海陵饒積粟自古
 稱殷厚一自洪波餘棲苴散林阜疏瀹塵 皇衷
 念此南東畝時巡肅駕廻登艦望海口坎德祇既
 平裁成倚我 后咨爾江鄉民茲事信非偶會見

千斯倉康衢歌大有

聖主代天工 睿圖協洪運風詩採列邦下民逮

清問首春爰啓行東后群肆覲二月戒 回鑾龍

旂辭浙境春湖有魴鱖雕俎不暇進春谷有蘭蒞

華佩不暇紉景物非所觀所觀在民隱萬里煦春

溫千里哀河潤下民戴高厚刻石頌 明聖 皇

命趣止之何乃煩百姓詞官職珥筆紀此質神聽

孝懿皇后輓詩

四首

桂觀繁絲歇璇宮一葉飄絳河沈七夕寶婺坼中

宵彩翟排雲上銀蟾傍月遙還思奉 長信早晚

侍三朝

嬪室初來日含章美在中四星輝戚里三月教公

宮那見虹消雨虛疑鳳下空千門簪白柰掩淚過

椒風

溫惠全坤德沈縣感 睿心頻年虛盛典此日嗣

徽音名鏤芳華瑄儀隆璫瑁篋寧無韓晉國哀此

慰重陰

靈藥求難得金缸曉尚凝鏡奩雕几設月觀 翠

華燈燎寢嚴緹騎除門度玉乘壽原陪 兩后神

爽庶依憑

聖駕南巡歌 十首

平明大駕出離宮南苑旌旗動曉風十二羽林森
列仗角樓初映海霞紅

合殿花灯燦九微太平天子勵宵衣蒲青杏白籌
農事不為宸遊駕六飛

揚州沃土待隨刊水國精靈尚屈蟠不用潯陽射
蛟弩太陽迴照即安瀾

煙邨土鼓正迎年夾道欣瞻舜日懸叢社更休勤
父老春風只在羽旗邊

翠霄垣極儼紗羅閣道橫斜跨玉河太乙乍臨闈
闔外斗牛星畔五雲多

鸞旗幾日過淮南春到平山翠霧含萬國更看陳
旅百五湖欣得近魁三

江口金沙有漩流二龍常自捧龍舟潮頭不復如
銀屋散作仙雲護九旂

罨畫湖山翠輦停梅花如雪覆香涇洞天禹跡
依然在定獻靈威嶽瀆經

百谷朝宗靜海濤靈芝華蓋簇金旄江蘼的礫雙
珠子夜吐涼輝照御袍

春風送喜近龍顏宮築宣房漢帝還江水只今

二百九十七
成太液琪花真欲滿三山

同太宰說巖公出
昭德門見蹴鞠者賦
之

蹴鞠流傳河朔風羽林角勝殿門東漢宮技奪彈
棊巧秦塞軍爭舞槊雄蚤日蹒跚清陞上閒時蹋
戲廣庭中低昂百步隨人轉那許飛騰向碧空

送黃圭一歸爲黎洲先生壽

家傳博古號青箱大鳥猶聞世德長一自乾坤畱
黨籍至今風雨護刊章相逢喜說申公健歸去應
攜薊子方賸有菖蒲勝水玉封題應許寄山堂

送萬季野南還

霜花醪酒送君還邸舍相依十載間慣對卷編常
病眼與談忠孝即開顏折衷三禮宗王鄭泚筆千
秋續馬班蒲筴獨驅驚歲暮凍雲寒雪滿江關

送翁寶林

司空得請嚴裝日柳色龍池尚蔚藍聽漏幾年趨
闕下揚帆七月到江南鷗沙過雨應無暑鱸膾迎
秋漸欲甘無恙五湖憑問訊夢中煙樹碧于簪

奉懷江邨宮端扈從

軒皇訪具茨結轡襄陵野昌寓旣駉乘謂朋亦前

馬江南二月時風光正韶冶翳我同心人日侍金
輿下橫汾有逸吹蘭翰時森灑于喁賡元音鏤管
應勤把宸襟廓無外懿網覆函夏閭闔雖崇嚴
所安非旃厦方將溥嘉惠延恩逮鰥寡前席問蒼
生陳詩首幽雅仰成在聲欬風行捷炙輶鶴鳴和
在陰中孚理匪假吳宮邈遺跡霜烏紛啞啞層峰
拂湖翠過雨紅泉瀉鄉關入遠夢退直想浮竿念
舊兼懷人短章聊自寫

鄭少司寇生日 二首

同作中朝執法臣獨彈古調倍相親密裁封事霜
猶在虛聽爰書棘尚新杞梓有材勞大匠驂駟欲
相媿方歎放閒兩月踈人事猶為稱觥雜衆賓
仙島江臯治績傳巨源啓事最稱賢蒼生祝爾登
三事蒜髮交君過十年直道那能裁脛短孤標未
肯破觚圓家鄉近接文公里講舍谿山晚照邊

送查德尹

君家兄弟盛才賢濯錦文瀾漾海天魯國孔融年
最少鄴中王粲賦先傳車迴廣武山如戟舟渡茅
津客似仙遲爾他年麟木對好尋繻帛漢關邊
和陳尚書晚春下直之作

無計飛騰奈若何，穠花此日又蹉跎。
聞雞月似初弦上，待漏車同流水過。
衰病欲侵官，謗積芳春漸老客。
愁多尚書才氣推無敵，欲鏟南山作浩歌。

送同年李厚菴學士和院長說巖先生韻

陳情拜表閣門通，淺碧遙天度遠鴻。
萬里川塗三伏後，千秋名節一編中。
遙知洛汭輕軒穩，聊記征西祖帳同。
早晚騰書罷橫海，廟堂久已眷孤忠。

和尚書說巖先生馬上口占韻

休說天門虎豹關，朝聽鈴索暮方還。
交情今日思王貢，史筆誰人繼馬班。
筋力就衰慚補報，醉吟乘

興託疎頑何當接，席雲霄裏晝漏遲。
遲永日閒

送汪舟次出守河南

憶遇章江尚褐衣，聲華海內似君稀。
彤墀受詔千言就，碧海銜恩萬里歸。
治郡須才辭禁掖，披圖覽古是王畿。
故人十載同詞館，祖帳郊門手重揮。

贈陸翼王

耆舊當今碩果稱，如君經術有師承。
蚤年講舍依黃憲，壯歲門徒似李膺。
老眼平生書萬卷，旅懷蕭瑟酒三升。
別予一棹江南去，轅固他時聽詔徵。

送翼王口占三絕句

秋風舴艋指程遐客裏攜書尚一車精衛勞勞銜
木石何時滄海藝桑麻

考禮談經邁鄭王如君今日魯靈光孝先已便
便腹鑿壁無須夜讀忙

美予束髮購奇書藏弃年來萬卷餘君到定應開
閣待清尊寒月步欄初

棠邨先生齋中與諸公坐

退朝日午聽鳴騶柴几晴窓事事幽政簡卷簾常

晏坐晝長載酒許從遊家傳寶繪王丞相王方慶王導之後家

有累朝圖繪架滿牙籤李鄴侯人世閒情都遣盡漫勞蠲

忿與忘憂庭前有合歡護草故名

贈高澹人學士二首

朱霞迴天半鬱鬱承明廬虹梁亘蜿蟺太液涵碧

虛策馬日夕過傑直忘居諸喬皇挾天藻沈鬱著

異書解經勝匡相作賦伴相如非徒富文翰獻納

尤勤劬忠孝關至性樸學寧迂疎持橐事聖明

素志一以攄鑾輿適巡幸朝朝趨玉除急驛進

講義得奏天顏舒積歲無休沐清切依宸居

猗與青雲業致主躋唐虞

芝蘭生幽阿發為王者香松柏蟠地底挺立千仞

岡同心古所喻後彫聖所臧嗤彼夸毗子意氣徒
 慨慷榮華盛顏色炫耀矜衣裳緬懷谷風作畫怨
 重歎傷感茲磐石固久要安可忘秋飈拂庭柯明
 月映屋梁徒倚不能寐伴此書滿牀企首限禁垣
 相望各一方攬袂步前除草露秋灑灑

送許筠菴給諫假歸廣陵

禁柳陰濃鶯亂啼長條攀折向隋隄香生汗簡畱
 梧掖春老薜蘿到竹西驄馬共推人諤諤青袍不
 妒草萋萋朝陽若待成高託終遣黃門老鳳棲

飲禊祝園分得引字

幽薊涉暮春餘寒苦未盡經時嬰末疾蹶躄類絕
 臏茲辰病良已被水競發軫羣公已單袷我裘猶
 縮窘舊遊農壇西紫閣鬱連吟入門問丘壑憑欄
 紆勝引山勢遙青青水脈流演演陶然醉一觚衰
 頽足嘲哂捷給上林簿羌子謝不敏寥廓翔鴻鵠
 泥塗安蛭蝻並託造化內所悲在疾疢即景聊盤
 桓日晚風逾緊閨月後會期開尊待櫻筍

送同年張南溟少宰 二首

曾從席帽識儀型瞥眼京都二十齡魯直聲名歸
 省闈山公品藻在朝廷鵲華積翠畱棠樹濟滌分

流辨水經秘閣正資君博識一時惆悵送征駟
 丹陛晨辭戀闕深玉河北望卸朝簪辭榮為有松
 楸願避俗曾無猿鶴心暑退晚笳移水驛涼生落
 葉響秋砧莫尋丁卯風流迹蚤有鸞書下碧岑

贈錢飲光

別予皖口十經春京國相過意倍親詩句還如長
 慶體風流宛是義熙人據鞍顧盼風生腦入座談
 諧酒污中博物君真荀濟北可憐斯世有勞薪

請告得

二日留別諸公

三首

蕭蕭白髮滯長安此日都亭擬挂冠入世艱虞憂

履虎當門芳馥怕鋤蘭一官雞肋中情淡萬卷牛
 腰遠道難最是君恩如海岳禁庭回首涕汎瀾

螭頭簪筆十年餘滾滾群賢共直廬愁讀子期思

舊賦

潛菴繹堂玉階初菴樞臣孝儀諸公俱下世

喜聞中散絕交書

錢飲光韓元少屬書勸歸

勸人恬退嘗招隱媿我衰遲始遂初從此五湖深
 處路龍威林屋好安居

陳情拜手出金扉秘殿縹緗許帶歸冠蓋同時都
 惜別吏人三館亦霑衣兒曹勗勉惟忠孝愛弟攜
 持共瘦肥此去只餘公論在平生那肯寸心違

將出都作

三首

詔書許返五湖陰待 命依然入禁林 賜坐温

顏 天表近掣鈴異寵月華深直廬在月華門東南 宸章捧

出香盈袖 恩旨宣時淚滿襟雙聳岵堯丹鳳闕

能無葵藿向陽心

筮得屯遭未即行堯蓂三落又重生忽看別館繁

花發驟聽嚴城畫角聲都城三月鼓角習射 光祿頻將月俸給

中消時向閣門迎祇慚衰鈍毫無補敢望遭逢千

載榮

冬日輕裝理敝裘青陽冉冉尚淹畱春苗經雨麥

攢梨社燕依簷月上鈞兼兩圖書先驛道備行賓

從半蘭舟紛紛別讌添愁思金鏤銀船醉不休

雙燕十六韻寄太宰澤州先生

雙燕隨春社年年向桂宮風光原自好際會恰相

同出入丹霄裏差池紫禁中詎知姿本薄稍喜語

能通暖日千門麗繁花復道紅爐香低掩丹鈴索

細丁東兩兩依斜月騰騰逐曉風銜泥隨綺榭暖

食並珠櫳託蔭逢嘉運酬恩矢寸衷倚歌聲宛轉

蹴影舞玲瓏巢壘營看穩毛衣養漸豐長當稱比

翼忽復歎飄蓬茅屋棲偏隻雕梁跡半空離群思

惘惘感舊意忽忽飲啄安微命生成仰化工從茲

顯晦異好謝百花叢

奉和江邨題壁二絕

白溝驛路值清明青綺纔離三日程所過莫疑軒
冕客餘生已分老巖耕

題壁銀鈎照眼明故人歲晚度歸程別時記得燈
前語海曲湖灣約耦耕

陳子萬見訪阜城

八年勞吏尚朱顏匹馬尋予瀛景間三世聲名傳
黨錮半生牢落隔鄉關揮毫對客詩才健飛鳥如
仙訟牒閒似爾祇應升省闈漫懷善卷舊棲山

禹城

停車尋舊蹟到驛算歸程綠雨平原郡穰桃晏相
城酒漓消恨淺裘敝御風輕便欲埋名姓何勞負
弩迎

上巳

芳辰逢上巳高會記齊河瀟灑梧鐺設從容節蓋
過聊為浮洛飲即此濯纓歌馬首斯須別難忘灤
水波

春風

芳春已過半燕趙多寒颼鞭車直踰秦山路掩靄

始覺春風吹春風吹在何許三江畫舫垂青縷層
出樓臺吟白苧我生多幸脫朝衣值此芳時尚未
歸春燕雙雙舞春花處處飛春光一瞬不貲價東
皇那肯停驂駢戴顛溪舍尚無恙載酒聽鸚醉落
暉

蒙陰行爲陳惕若明府并示李德中少卿
蒙陰古嶺東城小地屬魯東去鬱鬱園阜割入青州
部拾繭與採茶民俗恒惰窳春耕秋射獵猛悍本
風土明府關中賢期月稱召杜日夕絃誦聲居然
興百堵適來此地道左迎郵亭駐馬月魄生秉燭
邀予過齋閣掀髯抵几談更深比鄰恰是李卿宅
神龍蟠伏負盛名海棠三五植小院歸巢朱燕啁
啾聲我友姜肱南董筆十年史局討論密同還被
命治丹鉛羞澀空囊如趙壹相逢茲夕樂事兼
茅堂土銜使君廉斜月低沈飲無算堆盤錯落惟
晶鹽自笑平生未登岱空羨神仙餐沆瀣姜君坐
長蛟海邊開口便思覓鮭菜主人長跼陳區區荒
城草具兼饌無斟來魯酒本宿酤仲尼何妨傾百
觚寥寥宇宙誰吾徒吾今不飲何爲乎雞鳴拱手
上車去泚筆記此心煩紆

山居作 三首

湖山佳處靜安居且喜門無熱客車伍相祠邊吹
 角晚莫釐峰際墜梧初舞樓寂莫吳趨曲戰壘消
 沈越絕書玉柱金庭何處是閒時行樂問樵漁
 窈窕仙梯澗路通西山儼對玉芙蓉名園瀲灩通
 湖水蕭寺陰陰夾道松終古碧波吞日月三秋銀
 練舞魚龍他時橘熟霜楓晚一片紅林曳短筇
 青尊白紵未消愁漫說徐公百不憂抱樹蟬號層
 嶺月颭風菰熟五湖秋千年書秘龍威洞一葉人
 傳范蠡舟便擬問津銀漢曲碧城好與列仙遊

贈曹子清

涉秋已彌旬執熱甚中夏清風渺難御赫曦如渥
 赭巖棲非不深編摩無休假目疲銀海枯腕脫白
 兩瀉消埃豈云報感恩淚盈把願言思所欽豪蕩
 俗情寡蕭閒少公事萬卷擁廣廈齋閣比蓬壺高
 吟復瀟灑何日探林屋披襟一閒寫

贈葉敷文

徵君高躅苦辭榮驃騎何如第五名籬菊傲霜堅
 晚節巖松臨水駐幽情著書一代畱文獻釋勸當
 年重老成白髮憐予方解紱好儲春酒會耆英

喜金介山至

昨歲銜恩笠澤還一時嵇呂那能攀忽傳佳唱蘋
洲句遂枉高軒橘社間小海棹歌看劈浪雙約蠟
履愛遊山酒酣談笑寧知倦花落清齋盡日間

感懷示唐實君繆虞良吳元朗

四首

欲報涓埃誓寸衷承恩虛入建章宮殿庭濟濟簪
裾盛臺閣翩翩唯諾同填海羽毛憐帝女移山畚
鍤笑愚公才踈自合多憂患敢謂時清吾道窮
牆東避世簡編俱小閣蕭蕭三徑紆攬蒞有心難
止謗含沙無影易張弧陽和未見銷鷹眼咤叱猶

聞豎虎鬚三篋樂羊殊未已

君恩弘貸許江湖

攜來玉軸是恩波祇媿丹鉛舛誤多已敝精神遲
輟簡欲翔寥廓避張羅殘春永夜鳴鴉鳩繁雨輕
颺亂芟荷採得合歡方釀酒小窓微醉發高歌
平生鼎鼎在風塵虛度韶華六十春杯漾弓蛇空
妬影樓成海蜃總非真休將讒譖投豺虎尚把精
誠格鬼神索取瓊茅還問卜浮湘千古笑靈均

癸酉八月許鶴沙王却非招往秦望山莊
為耆年會賦謝

白舫青簾數往回漫云海國近蓬萊焚香永日惟

三百卅
惟園集卷九
六
士五
歌枕聽雨涼宵獨舉杯窮巷久無人跡到仙家新
有鶴書來竚看蟾兔當三五洞府華觴許暫陪

發舟

舳艫乘潮白苧城似邀明月送吾行月明放櫂潮
初減月落停橈潮已盈

八月涼風好射鵬秋光無限海雲饒錢塘瓜步飛
銀浪那比春申浦口潮

十二日抵雲間盛誠齋先至共飲鶴沙宅
雲間二老稱王許相邀高會秦山渚佳客竭來盛
孝章衰殘余亦叨邾莒秦山去郡一驛程茂弘丘

壑平生情方畱海嶠待賓至高陽開宴欣相迎是
時華堂月未滿三君嘯咏何蕭散主人病起纔出
門行藥不愁衣帶緩嘗笑百年偏局促眼底繁華
如轉轂赤弩杯中慰杜宣鈞天夢裏聽秦穆對此
秋光樺燭紅萬事消沈杯酒中一朝開閣遣羣婢
舉措豈得非英雄玉宇迢迢夜將半憑簷雜坐光
爛爛行酒無須命寶釵鉤簾不用垂銀蒜今宵方
滯五茸城明日蕭齋更洗觥待得隨潮過黃浦此
身彷彿在蓬瀛

儼齋招飲賢兄瑁湖宜園時瑁湖在江上

學士新營梓澤園我來訪戴一停軒主人倚櫂南
徐月今弟開筵北海樽密樹翠微懸鶴影繁花幽
礪帶潮痕籃輿是處堪畱賞欲別徘徊日已昏

十三日鶴沙招飲園中

名園畦畛接瑯琊小徑衝泥引客車雲散微微金
兔瘦露垂冉冉玉蟾斜病餘似更添詩興老至彌
應戀物華明日潮平南渡口列仙許與酌流霞

十四日秦望山莊爲耆年之會各賦七言

六韻

今朝勝地稱高會故舊相逢樂未央碧澗幾重開
綺閣清輝欲滿照華觴當年論齒同裴相置驛邀
賓比鄭莊密坐嬌歌傳白苧涼宵妙舞譜霓裳離
離寶氣浮滄海隱隱香風下紫閭佳景到來宜浩
飲堪嗤白髮對紅妝

十五日飲山莊

獨居寡懽愛多難積悲戚感爾惠芳評結言慰離
析矧此風景佳明月三五夕信使如流星乘潮迎
畫鷁余得尺素書開械心涌趨急裝赴高會當軒
紛履舄余弟采薪憂同心阻良覲四老比商皓銜
恩並奮激

皇仁閔臣僚覆露及踈迹逢時秉燭遊胡為事跋
踏陰雲揜望舒秋花亦寂歷良久吐清光皎皎圓
皓魄宛轉絳樹歌髡歡餽一石勝事足繪圖千秋
播芳跡

十六日却非送至郡城同飲鶴沙宅

安豐慣聽擢歌聲同醉朱堂繾綣情金魄昨看明
鏡皎青霄今歎玉盤傾觴行正好分三雅簾捲無
妨過二更似此風光殊不易一丘一壑足餘生

儼齋招飲橫雲同却非鶴沙誠齋令兄子

武即事

九峰緜邈泚水清橫雲石壁偏崢嶸平原兄弟實
產此茲山獨以士龍名弔古長吟足惆悵平生仗
節真豪蕩後來接踵興文儒千載風流稱哲匠瑯
琊三俊邁機雲季領臺憲秀拔羣折柬相邀山閣
讌酒鐺茶竈陳紛紜敞廬迤邐百餘里婉孌崑山
連谷水弱冠停艫騁望時飛樓綺榭存遺址細林
山人招隱居有客戀賞焚銀魚十年磨壁題名去
陳跡猶在增欵歎吾今滿酌為君勸圖經舊跡求
文獻早營精舍翦荆榛寂寂無令猿鶴怨會看張
讌落成時君應躡履還彤墀浩歌遺老頻來往薦

三百五十六
憶園集卷九
與尊絲二陸祠

甲戌三月三日招同錢湘靈盛誠齋尤悔
庵黃忍庵王却非何涵齋孫赤崖許鶴
沙周礪巖秦對巖諸公舍弟果亭禊飲
遂園用蘭亭二字為韻

勝集羣公共采蘭杏花煙雨繫青翰歸田髮漸驚
全白望闕心還抱寸丹佳節嘯吟行履健晚春禊
袂袷衣寒酒酣莫漫言辭去指數東吳此會難
梁鴻溪並陸機亭颿驛中間桂槳停谷水縈回環
睥睨玉山蒼翠滿堦庭羽觴角觶休辭醉急管繁
絃莫厭聽請看秦符懸象緯熒熒南極老人星

紺池上人贈詩二首依韻答之

黃絹江東廿載名五言真擬號長城今朝重晤年
非老鎮日裁詩格愈清江渚煙波擊汰意春山淡
蕩振衣情皎然持論維風雅早見前賢讓後生

嘉招同上木蘭船太史風流絕代傳

謂尤悔

此日東

都稱盛事就中如滿是高賢心忻神駿非關癖語
涉鮮妍不礙禪舊蹟桃花方丈地閒來弔古一悽
然

憶昔行贈秦對巖宮諭

繁花欲殘墮春雨嘉賓買艇來蓬戶衝泥黠燭出
 門迎泰伯城邊秦子羽憶共論交四十年尊前皚
 皚雪盈顛聽歌促坐湖疇昔玉堂才子稱神仙
 書雜誦謝人事逋稅急徵蒙吏議谿閣娛親長
 蘿湖湘推轂紛笳吹落拓終然一騎歸狂豪聊作
 五禽戲交章論薦拜舊官重侍馭姿與扶荔猶是
 先皇侍從臣銀魚壓帶

主恩新蜚語乍聞還薄譴一朝雨泣辭勾陳羽旂
 雲罕巡吳會二泉靈蹟卿雲藹御筆親教錦軸
 藏詔詢黃髮停飛蓋詞林老宿寵注深却向蓉湖

守故林余也不才感濩落負慚覆載同茲心黍稷
 六年數馬齒通籍遲公踰一紀撰史分燈金匱書
 吟詩並馬玉河水十載棲遲卧釣磯故鄉非遠見
 偏稀五茸昨歲張高會恨不招邀製芟衣休說論
 年未耆歲諸老相攀作春禊盧尹狄監故事存涑
 川亦造司徒第雀舫乘潮喜賁臨良宵燭跋漏深
 沈明發山園會黃綺感時賦事成高吟

贈禹鴻臚乞畫遂園修禊圖卷

廣陵禹鴻臚丹青藝稱最往余請急歸君返桂林
 旆馬首欲分塗迸淚灑清瀨余方志皇輿請君

任圖繪成書歲幾稔還朝髮將艾屆茲暮春初禊
事騰吳會良朋平生歡佳日弭飛蓋波光明亭館
山氣紛蔚蒼早鶯啼花枝微雨濕衣帶羣賢觴詠
餘執手寫肝肺騁懷非一端即事多感慨爾能託
神契抗心風塵外千載李公麟畫理游三昧何爲
讓古人辜負此良會少日祈盤桓持酒當階酌待
君脫藁時吟詩送擊汰

舍弟園亭邀諸公小坐用蘭字

仲氏園池衆卉殘招尋倚嘯碧闌干懷人十載煩
烹鯉倦客三江學藝蘭何幸同心逢令節翻憐久
病勸加餐獨嫌嵇喜真顏放題鳳無言謝呂安

同諸公過誠齋宅畱飲用亭字

繡衣八十尚窮經共說今時是歲星嘉禊鶯花當
淑景名賢車蓋祝遐齡詩篇白雪題齋閣歌管紅
霞結幔亭是日庭中架閣張燈勸飲羽觴須盡醉儘教千日不
須醒

題盛子昭輞川圖寄陳說巖先生

摩詰家輞口水流似車輞煙巒互縈帶池館足蕭
爽圖成遺後來能事古無兩流傳閱人代衆史各
規倣子昭最晚出粉墨非鹵莽神遊悟真契意外

得殊像齒齒石稜分鱗鱗水波漾翠篠若含風青
 松似聞響繚垣轉平陸高甍跨虛朗房廊差雁翅
 櫺扉罨蛛網林疑鹿跡交岡作犬聲想泉流徑未
 窮橋斷舟可榜琴書布閒暇壺觴紛來往有山書
 仙源無土非靈壤想當盤礴時手柔胸臆廣秋風
 御袂衣樓居聊偃仰插架錦標鮮展卷憶疇曩周
 廬入僦時聯步羣英上嶽嶽澤州公風懷常倜儻
 公餘出此卷傳觀各誇賞我時念江湖頗欲謝羈
 鞅林泉我分有社稷公可仗詎料賦歸來憂患與
 年長傷弓已摧翎擇肉猶舐掌緬思彼王裴那便

此安享公方銜恤居寄聲同慨慷

山齋建蘭盛開有並蒂同心者二賦之

殘暑蕞蘭對酒卮名花爛熳傍堦墀雙成縹蒂含
 香迸密吐丹心帶露垂紉佩參差看九辨擢莖秀
 挺喜連枝平生漫說黃金斷對爾彌深俯仰悲

澹園詩集卷第九

三卷六十五

小園集卷九

三

子庫



